

Pɔɔlo ɔwɔlε Gyangbarasε
 ɔbono ɔ ɨmarasε Bunge
 Tεsalonika Awura Mɔ

¹ Me Pɔɔlo de Siilase (Silefanusε) de Timoti ne n kya ɨmarasε ɔwɔlε baarε a kya sa fεye Yesu asonbo abono fε bo Tεsalonika ɔsowolε so mɔ. Fε gyε asa abono fεye-rε aye-sε Wurubuaarε de aye-Wura Yesu Kirisito fε wɔra nyamesε kolon. Wurubuaarε ɔ' sa fεye so gεwɔnsa dεnsε de ɔ' sa fεye gisen yuuli.

Fε sɔɔ Yesu ɔkalan Mɔ Abaa Anyɔ

² Owi kamaasε dɔ mɔ a kya faala Wurubuaarε kyu lii fεye pεwu so. A kya dalaa a kya nyingi fεye so. ³ A kya dalaa a kya sa aye-sε Wurubuaarε gεnen mɔ, a kya nyingi gεnɔɔbono fε bo gisɔɔgyi sa aye-Wura Yesu Kirisito ne fε dε gimɔ fε kya wɔra ilaa dεnsε mɔ. Fε bo gεlaarε' sa Yesu so mɔ, fε kya nyanga ansi mɔ-gεsun mɔ dɔ. Fεye-ansi a gyan mɔ so ne i kya yεgε fε kya nyε gisen fεye-gεkyena dɔ.

⁴ Aye-nanboana Yesu ɔson mɔ dɔ, a nyi yεε Wurubuaarε gi kyu fεye-ilaa wɔra mɔ-gisen dɔ ne ɔ tɔɔsε fεye lεε de ɔ' nyε lɔɔɔ fεye yela sa mɔ-nyoro. ⁵ I lii fεε owi ɔbono a kpe fεye asε kpa a tɔgε Yesu ɔkalan konkonsε mɔ sa fεye mɔ, i mεɨ gyε gεtɔngε giyan. A wu yεε Wurubuaarε Oduduu mɔ ne n tɔngε naa de aye so sa fεye ne fε bii fεye-asen dɔ yεε ɔkalan mɔ gyε gεsintin. Fε nyi gεnɔɔbono a kyu akyenabi dεnsε kyena de fεye de fε' nyε wɔra ɔdan Wurubuaarε ansi so mɔ. ⁶ Fεye kee, fε kasε aye-rε aye-Wura Yesu ilaa wɔrasε. I lii fεε owi

ɔbono fE nu Yesu ɔkalan ne i yeGE asa ako mE kya ka fEYe-ansi mɔ, fE dabɔLE yela giso nu ɔkalan mɔ de ɔkon. I lii fEE Wurubuaare Oduduu mɔ ne n sa fEYe ɔkon ɔbono. ⁷ Feye-gEnen ilaa ide so mɔ, i yeGE fE wɔra sinkaala sa asa abono pEwu mE sɔɔ Yesu gyi Masadoniya de Akaya nsinkpan so mɔ. ⁸ Feye so mɔ, nono awura mE nyE nu Wura Yesu ɔkalan mɔ. I mEŋ gyE mɔmɔ-wolE ne n nu fEYe-gisɔɔgyi mɔ ilaa. GENɔɔbono fE sɔɔ Wurubuaare gyi kyu naa de Yesu so mɔ, i nu gyan' de nten kpEi-kpEi kaaborE nperE iŋ baa i tiri yEE a' baa tɔGE fEYe-ilaa sa ɔko-rE ɔko. ⁹ GENɔɔbono a kpe fEYe asE ne fE sɔɔ aye abaa anyɔ mɔ, asa mE kya tɔGE imɔ so ilaa ma-a sa nten kpEi-kpEi awura. ME kya tɔGE GENɔɔbono fE taa ikpere gison yeGE ne fE san fE kya son daa Wurubuaare ɔbono ɔ gyE gEsintin wura ne ɔ de nkpa de mɔ-gibaa mɔ. ¹⁰ ME kya tɔGE yEE fE san fE tE fE gyoo daa Wurubuaare mɔ-bi Yesu ɔbono ɔ laa lii Wurubuaare dɔ kii ba gEsinkpan so mɔ. Wurubuaare gi kyingi mɔ lii ibuni dɔ. AnyamesE ilaa nyEnyEn giwɔra so mɔ, gEkaako Wurubuaare laa baa lEE mɔ-ginyadon gEwi nyiile mɔmɔ. Yesu ne n gyE ɔbono ɔ laa mɔlEge aye lii Wurubuaare ginyadon gibono dɔ.

2

A Kya Laare Wurubuaare Ayenbi, Iŋ GyE AnyamesE-LEE

¹ Aye-nanboana Yesu ɔson mɔ dɔ, fEYe gbaa-gbaa fE wu yEE ibono so a kpe fEYe asE mɔ, i mEŋ wɔra gyan. ² PEi de a' lɔɔ kpe fEYe asE TEsalonika nno mɔ, a kpe Filipayi ɔsowolE so. GENɔɔbono asa mE wɔra aye awɔɔfɔɔ ne mE saalE aye nno mɔ, fE nyi imɔ pEwu. A loo fEYe asE nno kee mɔ, nkana asa mE laare mE' tii aye-ɔkpa yEE a maŋ nyE tɔGE Yesu ilaa sa fEYe. Imɔ-rE imɔ gEnen gbaa mɔ, aye-Wurubuaare gi dabɔLE sa aye

ɔlon ne a taale da otu tɔge mɔ-ɔkalan konkonse kyu lii Yesu so mɔ sa fɛye. ³ Genɔɔbono a tɔge keda fɛye-nyoro mɔ, i mɛn gyɛ yɛɛ a fuɛ daa. Ne i mɛn gyɛ yɛɛ a kpaɔ penɛ fɛye. In kii i gyɛ yɛɛ ilaa iko ne n tiri aye lii fɛye ase. ⁴ Wurubuaarɛ gi kerɛ mɔ, o wu yɛɛ a gyɛ asa abono ɔ laa taale kyu mɔ-ɔkalan konkonse kyu lii Yesu so mɔ wɔra aye-abaa dɔ de a' tɔge sa asa. Imɔso aye, mɔ, a kya tɔge ɔkalan mɔ mɔ, i mɛn gyɛ anyamesɛ-lɛɛ ayenbi ne a kya laarɛ. A kya laarɛ genɔɔbono i laa gyi Wurubuaarɛ ginsi mɔ daa. Mɔ ne n nyi aye-asen dɔ.

⁵ Fɛye gbaa-gbaa fɛ nyi yɛɛ owi ɔbono a bo fɛye ase mɔ, aɲ kyu genɔ ɔkon penɛ fɛye. Ne aɲ kyu aye-asen dɔ ilaa iko nara fɛye de a' nyɛ ilaa iko lii fɛye ase. Wurubuaarɛ kee nyi yɛɛ ibono a kya tɔge mɔ i gyɛ gɛsintin. ⁶ I mɛn gyɛ genɔɔbono aye-ginyen gi laa dii fɛye ase abɛɛ asa ako kpɛi ase mɔ ne a laarɛ. ⁷ Genɔɔbono a gyɛ Yesu Kirisito isɔɔ faa, nkana a bo ɔkpa fɛɛ a' nyise fɛye. Aye, mɔ, a su fɛye so, ne a kerɛ fɛye so fɛɛ genɔɔbono talabo kya kerɛ mɔ-biana so mɔ. ⁸ Gɛlaarɛ' beɛ gɛbono a bo sa fɛye mɔ so mɔ, i mɛn gyɛ Wurubuaarɛ ɔkalan konkonse kyu lii Yesu so mɔ wole ne a kyu kperɛ fɛye. A kyu aye-asen kee sa fɛye bɔla Wurubuaarɛ ɔkalan mɔ so. I lii fɛɛ fɛye-ilaa i loo aye-asen dɔ.

⁹ Aye-nanboana, owi ɔbono a bo fɛye ase mɔ fɛn kya nyingi genɔɔbono a nyanga ansi wɔra gɛsun gɛnyɛ de gɛpɛ kyu kerɛ aye-nyoro so mɔ? Aɲ laarɛ yɛɛ Wurubuaarɛ ɔkalan konkonse mɔ gitɔge so mɔ, a' wɔra gɛsola sa fɛye dɔ ɔko-rɛ ɔko. ¹⁰ Fɛye abono fɛ sɔɔ Yesu gyi mɔ, fɛye-rɛ Wurubuaarɛ fɛ nyi aye so yɛɛ a bo fɛye dɔ mɔ, a lɔrɔ aye-nyoro yela sa Wurubuaarɛ ne a gyi gɛsintin sa fɛye-rɛ mɔ. ɔko mɛn wu ilaa nyɛnyɛn iko aye-nyoro so tɔge. ¹¹ Fɛ wu yɛɛ a kerɛ fɛye ɔkamaasɛ

so fEE GENOObono OSE dENSE kya kerE mO-biana so mO.
¹² AberE abono dO pEWu mO a kpE a kya buEELE fEYe,
 a kya tOGE wOra fEYe, ne a kya ka fEYe yEE fE' kyena
 akyenabi abono a kaaborE WurubuaarE asonbo mO. I lii
 fEE Wura WurubuaarE ne n tOGE fEYe yEE fE' baa kyena
 mO asE mO-gEWuragyi mO dO de fEYe kee fE' nyE mO-lEE
 nyisigy mO Onan.

FEE Bii YEE WurubuaarE-LEE Okalan Ne O GyE

¹³ I bo ibono so a kpE a kya faala WurubuaarE iŋ kya ta
 mO. ImO ne n gyE yEE a wu yEE fE nu WurubuaarE Okalan
 mO lii aye asE genen mO, fE mEŋ kyu mO yEE nyamese-
 lEE Okalan ne O gyE. GENen mO ne i dE ne; Okalan mO
 gyE daa WurubuaarE-lEE, ne WurubuaarE dE mO O kya
 wOra gESun fEYe abono fE sOO mO gyi mO gEkyena dO.
¹⁴ Aye-nanboana Yesu Oson mO dO, fEYe-rE Yesu asonbo
 abono mE bo Gyuda awura dO mO fE wOra gikolon. I lii
 fEE WurubuaarE Okalan baarE so mO, fEYe-gEWi awura
 mE kya ka fEYe-ansi. GENen ne Gyuda awura kee mE
 wOra mOmO-gEWi awura ne. ME ka mOmO abono mE
 kya son WurubuaarE kyu naa de Kirisito Yesu so mO ansi.
¹⁵ Dedaa mO, Gyuda awura adE mE mOO WurubuaarE
 ikalan atOGEbo. MOmO-gEMara awura ako mO mE mOO
 aye-Wura Yesu, ne mOmO ako kee ne n kya ka aye-ansi faa.
 MOmO-ilaa wOrasE iŋ kya wOra WurubuaarE Okon, ne mE
 kya kyo asa sENSE pEWu. ¹⁶ ME gya aye yEE a mEŋ sa a'
 nyE tOGE WurubuaarE Okalan mO sa asa abono mE mEŋ
 gyE Gyuda awura mO. MEŋ kya laarE genen asa abono
 mE' nyE WurubuaarE amOLEgE mO. GENen ilaa ibono mE
 kya wOra faa so mO, mE kya kpandE ilaa nyENyEN ma-a
 mili mOmO-nyoro ne. MOmO-ilaa nyENyEN idE i laa yela
 Okara kon. IdE kon WurubuaarE laa lEE mO-ginyadon
 gEWi nyiile OmO.

A Laare FEE A' NYE Kii Ba Wu Feye Kusaa

¹⁷ Aye-nanboana Yesu asonbo, lii aberε abono i ka aye-ansi ne a koso kyon taa feye yεgε ηmaraa faa mɔ, aye-ansi ne mεη kya wu feye. Aye-nwɔnsa berε gi gyan feye so. A kpε a kya nyingi feye so iη kya ta. A dε aniya a kya laarε ɔkpa ɔbono so a laa nyε kii wu feye kusaa mɔ. ¹⁸ GENEN so mɔ, a laarε fε a' nyε kii baa laa feye. Me Pɔɔlo berε, n kya tɔgε yεε nan kii baa laa feye mɔ, i don gikpadɔ gifonεε. Imɔ pεwu mɔ, ilaa nyεnyεn pεwu gεmu mɔ ne n kya tii aye-ɔkpa gεnen. ¹⁹ GEkaako aye-Wura Yesu laa kii ba gεsinkpan so de aye-rε feye pεwu a' kpe mɔ asε. GEkaabono mɔ, feye so ne aye-ansi a gyan' yεε a laa nyε afaala lii Yesu asε. Ne iη gyε feye so mɔ, nkana anεana? Feye kee so ne a laa gyi ɔkon de a' nyε gyiide mɔ Yesu ansi dɔ. ²⁰ GEsintin, feye so ne a laa nyε nyisigyι ne a laa nyε gyi ɔkon.

3

¹ I kii kεεla ne aη ti kii wu feye mɔ, aη baa taale kyena gεnen. Imɔso aye asa asa' a tɔgε kyule abara yεε me-rε Siilasε a laa sii kyena Atεnsε ɔsowolε so ² de a' sun aye-nanbo Timoti feye asε. Aye-rε mɔ ne n naa a kya wɔra Wurubuaarε gεsun mɔ faa. Gεsun mɔ ne n gyε Wurubuaarε ɔkalan konkonε kyu lii Kirisito so gitɔgε sa asa. A sun Timoti feye asε yεε ɔ' kpa kpa' feye de ibono fε sɔɔ Yesu Kirisito gyi faa mɔ, fε' nyε yelε feye-ayaa so gεnen gisɔɔgyι mɔ dɔ. Aye yεε ɔ' tɔgε keda feye-nyoro yεε ³ ibono fε bo ɔlaawusε baarε dɔ faa, i mεη sa i' yεgε feye ɔko-rε ɔko gisen gi' koso Yesu so. Feye gbaa-gbaa fε nyi yεε gεnen ɔlaawusε baarε ɔnan ne n gyε ɔbono ɔ laa tu aye Yesu asonbo mɔ. ⁴ Owi ɔbono a bo feye asε nno mɔ, a wolaa tɔgε feye yela yεε aye-rε feye a laa wu ɔlaawusε. GEsintin mɔ, fεη wu i ba gεnen

mɔ? ⁵ Me Pɔɔlo meŋ kya wu fɛye mɔ, meŋ kya taale n' kyena. Imɔso ne a sun Timoti fɛye ase mɔ. A sun mɔ de ɔ' kpaalaa fɛye kerɛ yɛɛ gisɔɔgyi gibono fɛ bo sa Yesu mɔ gi de nne? N kya taase me-nyoro yɛɛ ɔfaanan ilaa nyenyen pɛwu gɛmu mɔ, mɔ ɔbono ɔ kya soo anyamese idoo mɔ, gi nyɛ fɛye fɛɛ? Abɛɛ aye-gɛsun gɛbono a kpaalaa wɔra fɛye ase nno mɔ, gɛ wɔra giyan fɛɛ?

⁶ Ide kon Timoti gi baa wɔra aye amandɛɛ dense kyu lii fɛye-gisɔɔgyi gibono fɛ bo sa Yesu mɔ de fɛye-gɛsalaare mɔ so. O buu sa aye yɛɛ aye-ilaa i bo fɛye-asen dɔ fɛ kya nyingi aye so. ɔ tɔgɛ yɛɛ fɛye-ansi a gyan' aye so fɛ kya laare fɛ' kii nyɛ aye wu de fɛye-ansi fɛɛ gɛnɔɔbono aye kee a kya laare de a' kii nyɛ fɛye wu mɔ.

⁷ Aye-nanboana, Timoti gi baa tɔgɛ aye gɛnen mɔ, i yɛgɛ aye-gisen gi tɔrɔ aye. Dabɔle ibono a kya wu ɔlaawuse baare ne a kya yiyɛɛ pɛwu faa, gɛnɔɔbono fɛ kpɛ fɛ kya sɔɔ Yesu fɛ kya gyi faa mɔ, i kya keda aye-nyoro. ⁸ Ide kon a nu yɛɛ fɛ yele fɛye-ayaa so ken-ken gisɔɔgyi gibono fɛ bo sa Wura Yesu mɔ dɔ. Imɔso i yɛgɛ aye-gisen gi tɔrɔ aye.

Pɔɔlo Ndalaalaa Nbono ɔ Kyalaa Sa TEsalonika Awura Mɔ

⁹ A meŋ nyi afaala abono a laa kyu faala Wurubuaare kyu lii fɛye so mɔ. ɔkon ɔbono Wurubuaare gi yɛgɛ a nyɛ fɛye so mɔ kyɔ gikyɔ. ¹⁰ A kyalaa gɛnyɛ de gɛpɛ a kya kole Wura Wurubuaare lii aye-asen dɔ yɛɛ ɔ' yɛgɛ de a' kii nyɛ wu fɛye de ansi de ilaa ibono i kya san fɛye de fɛ' nyɛ sɔɔ Yesu gyi too mɔ, a' nyɛ nyiile fɛye imɔ.

¹¹ Aye-se Wurubuaare gbaa-gbaa de aye-Wura Yesu me' lɔrɔ aye-ɔkpa kyu kpɛ de fɛye ase so de a' nyɛ kii kpaalaa fɛye kusaa. ¹² Aye-Wura Yesu ɔ' yɛgɛ fɛ' tansi laare abara ilaa de fɛ' laare nyamese kamaase ilaa kee. ɔ' yɛgɛ gɛnen gɛsalaare mɔ gɛ kpɛ gɛ kya nyaakyɔ fɛye

dɔ gɛ kya too, fɛɛ gɛnɔɔbono aye kee a kya laarɛ fɛye-
 ilaa mɔ. ¹³ Gɛnen ne aye-Wura Yesu laa nyɛ sa fɛye ɔlon
 de fɛye-asen a' nyɛ fuuli aye-sɛ Wurubuaarɛ asɛ. I maɲ
 nyɛ ilaa nyɛnyɛn iko fɛye-nyoro so owi ɔbono aye-Wura
 Yesu laa kii ba gɛsinkpan so, mɔ-rɛ abono pɛwu ɔ lɔɔ
 yela sa mɔ-nyoro mɔ.

4

Fɛye-Gɛkyena Gɛ' Gyi Wurubuaarɛ Ginsi

¹⁻² Aye-nanboana Yesu ɔson mɔ dɔ, a ti wolaa nyiile
 fɛye gɛnɔɔbono fɛ laa kyu kyena ne i laa gyi Wurubuaarɛ
 ginsi mɔ. Fɛ nyi nbara nbono a yela sa fɛye Wura Yesu
 ginyen dɔ mɔ. A kya wu yɛɛ fɛ dɛ nmɔ dɔ. Idɛ kon mɔ
 a dɛ Wura Yesu ginyen a kya kolɛ fɛye, ne a kya ka fɛye
 yɛɛ fɛ' lɔɔ keda gɛnen.

³ Wurubuaarɛ gɛlaarɛ ne n gyɛ yɛɛ fɛ kpɛ fɛ kya
 lɔɔ fɛye-nyoro fɛ kya yela fa-a sa mɔ. ɔko ɔɲ sa ɔ' laarɛ
 ogyibara. ⁴ ɔkamaasɛ ɔ' kasɛ de ɔ' bii mɔ-nyoro gikedabi
 de o' kyu gisen fufuli de buubuu kyu kyena. ⁵ ɔɲ sa ɔ' yɛgɛ
 ilaayan nwɔnsa i' gyi mɔ-gimu, fɛɛ gɛnɔɔbono abono
 mɛ mɛɲ nyi Wurubuaarɛ agyɛbi mɔ mɛ kya wɔra mɔ.
⁶ ɔko-rɛ ɔko ɔɲ sa o' kyu ilaa idɛ ɔnan penɛ mɔ-nanbo
 ɔbono mɔ-rɛ mɔ mɛ bo Yesu ɔson dɔ mɔ. ɔko ɔɲ sa o'
 kyu ilaayan ɔkpa so kyu nyida mɔ-nanboana gɛkyena. A
 wolaa tɔgɛ titii fɛye yɛɛ fɛɲ sa fɛ' wɔra gɛnen. ɔbono
 ɔ laa wɔra gɛnen ilaa nyɛnyɛn idɛana mɔ Wurubuaarɛ
 laa biidɛ mɔ-giso ka gikɔ. ⁷ Wurubuaarɛ mɛɲ tɔgɛ aye
 yɛɛ a' kyena ilaayan gɛkyena abɛɛ a' laarɛ agyibara. ɔ
 tɔgɛ aye daa yɛɛ a' lɔɔ aye-nyoro yela sa mɔ. ⁸ Imɔso
 fo ɔbono fo kine yɛɛ fo maɲ nu ilaa idɛ mɔ, i mɛɲ gyɛ
 nyamesɛ gɛdɛ ne fo kine yɛɛ fo maɲ nu. Wurubuaarɛ
 ɔbono o kyu mɔ-Oduduu kyu sa fo mɔ gɛdɛ ne fo kine
 gɛnen.

⁹ A wu yEE in baa i tiri yEE a' baa nmarase fEye kyu lii gEsalaare ilaa so. Wurubuaare gi ti wolaa nyiile fEye gEnoobono fE laa laare fEye-nanboana abono fEYe-rE mOmO fE kya son Yesu mO ilaa. ¹⁰ GEsintin mO, fE kya laare fEYe-nanboana abono mE bo Masadoniya gEsinkpan so mO pEwu ilaa, fEE gEnoobono Wurubuaare gi nyiile fEYe mO. A kya kole fEYe yEE fE' kpe fE kya laare abara ilaa gEnen fE kya too. ¹¹ FE' wOra aniya de fE' kyena fEYe-nnO so. Okamaase o' nu de mO-lEE de o' laare gEsun wOra de o' kerE mO-nyoro so, fEE gEnoobono a wolaa ka fEYe mO. ¹² FE wOra gEnen mO, asa abono mE mEh bo fEYe-son dO mO mE laa nyE kyu buubuu sa fEYe. Ne fE maŋ kyu fEYe-nyoro too oko so.

Aye-Wura Yesu Laa Kii Ba GEsinkpan So

¹³ Aye-nanboana Yesu asonbo, a mEh kya laare fEE asa abono mE ti wu' lii fEYe dO mO lEwu o kpe o kya loo fEYe. GEnen ne i kya wOra asa abono mOmO-ansi a mEh gyan' Yesu so mO. ¹⁴ Aye abono aye-ansi a gyan' Yesu so mO berE, a sOo gyi yEE o wu' ne o kyingi lii ibuni dO. ImOso abono mOmO-ansi a gyan' Yesu so pEi ne mE wu' mO, a' buu sa fEYe yEE kyu naa de Yesu so mO owi obono Wurubuaare laa yEgE Yesu o' kii ba gEsinkpan so mO, mO-rE gEnen asa abono mE laa ba. ¹⁵ I kya nyiile yEE Wura Yesu gbaa-gbaa ne n nyiile aye ilaa idE. O nyiile aye yEE gEkaabono o laa kii ba gEsinkpan so mO, aye abono a san a tE de ansi mO a maŋ gyangbara abono mE son mO ne mE ti wu' mO de a' kpa gyangara mO. ¹⁶ O laa ba gEnen mO, asa mE laa nu gigyEbi giko gi laa kpen gikolon, ne asa mE laa nu Wurubuaare dO isoo obelense gigyEbi', de Wurubuaare gEgandan gE' saawo. Nfono mO, Yesu asonbo abono mE ti wu' mO mE laa kyingi, ¹⁷ de Wurubuaare o' puru mOmO de aye Yesu asonbo abono

a san a tE de ansi mO koso. Wurubuaare laa yege a laa dii kpe Wurubuaare awole dO kpaa gyangara Wura Yesu afuu so. Ne Wura Yesu ase ne a laa san kyena gekpaa-gekpa. ¹⁸ ImOso fe' kyu genen ilaa ide tOge keda abara nyoro kyu lii abono me ti wu' lii feye dO mO so.

5

Fe' Baala Feye-Nyoro Gyoo Gekaabono Yesu Laa Kii Ba M^O

¹ Aye-nanboana Yesu Oson mO dO, genen owi Obono abee geke gebono Yesu laa kii ba gesinkpan so mO bere, in tiri yee a' nmarase imO so ilaa sa feye. ² I kya nyiile yee feye gbaa-gbaa fe ti fe nyi serege yee genen geke gebono Wura Yesu laa ba de O' baa gyi asa nbeye mO ge laa fue asa ayaa fee genOObono oyu kya baa yuuri genye mO. ³ Owi Obono asa me laa tOge yee, "Aye-nyoro gi tOro aye; sei man baa wOra aye" mO, nfono mO, awOrofoO a laa tu mOmO faa poroko, fee genOObono gedun ge kya tu OTO wura mO. Genen gekaabono mO, me man nye Okpa sele lii awOrofoO abono dO. ⁴ Aye-nanboana Yesu Oson mO dO, feye bere, fey te gibiri dO kyu lii ilaa ide so de genen geke mO ge' fue feye-ayaa fee oyu. ⁵ Feye pewu fe gyE daa fatela dO asa de owi kenken asa. Aye-re feye a meny gyE gibiri dO asa abee genye asa.

⁶ ImOso a meny sa a' de tan ilaa ide so fee asa sense-lee mO. Aye-ansi a' de ilaa ide so de a' bii aye-nyoro gikedabi. ⁷ I lii fee asa abono me kya de ginsi gedE mO, genye ne me kya de. Ne abono me kya boo nta mO, genye ne me kya boo mOmO-nta. ⁸ Aye bere, an sa a' wOra fee ginsi gide adebo abee nta aboobo. Fe' yege aye-ansi a' de ilaa so. A' wOra fee asogya. Asogya me kya kpe ikO mO, me kya kyu ilaa ikoana kyu kun mOmO-amu de mOmO-akan adontO so. Ilaa ibono a laa kyu kun aye-lee akan

mɔ ne n gyɛ gisɔɔgyi de gɛlaarɛ' gɛbono a bo sa Yesu mɔ. Ne ilaa ibono a laa kyu kun aye-amu mɔ ne n gyɛ amɔlɛgɛ abono aye-ansi a gyan yɛɛ Yesu laa kyu mɔlɛgɛ aye mɔ. ⁹ I kya nyiile yɛɛ Wurubuaarɛ mɛɲ lɛɛ aye de a' loo mɔ-ginyadon dɔ. ɔ lɛɛ aye daa de a' nyɛ mɔ-amɔlɛgɛ kyu naa de aye-Wura Yesu Kirisito so. ¹⁰ Aye-Wura Yesu Kirisito gi wu' sa aye de owi ɔbono ɔ laa kii ba gɛsinkpan so mɔ, ba-a a wu' daa-o, a san a tɛ de ansi daa-o, aye-rɛ mɔ a' kyena dabɔlɛ. ¹¹ Imɔso fɛ' tɔgɛ keda abara nyoro de fɛ' kpaa abara de fɛ' sɛɛ Yesu ɔson mɔ dɔ fɛɛ gɛnɔɔbono fɛ ti wolaa fɛ dɛ faa.

N Kya Ka Fɛye Gika Laalaalogɛɛ

¹² Aye-nanboana Yesu asonbo, a kya kolɛ fɛye, fɛ' kyu buubuu sa asa abono mɛ gyangbara sa fɛye Wura Yesu ɔson mɔ dɔ mɔ. Mɛ kya nyanga ansi mɛ kya ka fɛye. ¹³ Gɛnen gɛsun mɔ so mɔ, fɛ' tansi kyu buubuu belɛ kyu sa mɔmɔ de fɛ' laarɛ mɔmɔ-ilaa lii fɛye-asen dɔ. Fɛ' kyu gisen yuuli kyu kyena de abara.

¹⁴ Aye-nanboana, a kii a kya kolɛ fɛye yɛɛ awolɛgyɔbo abono mɛ bo fɛye dɔ mɔ, fɛ' tɔgɛ sa mɔmɔ yɛɛ wolɛgyɔ mɛɲ boran. Fɛ' tɔgɛ wɔra asa abono mɛɲ bo otu mɔ. Asa abono, mɔ, mɛ tiri gikpaa mɔ, fɛ' kpaa mɔmɔ. Fɛ' nyɛ gisen sa nyamesɛ kamaasɛ. ¹⁵ Fɛ' kerɛ dɔɔdan de fɛye dɔ ɔko ɔɲ sa o' kyu ilaa nyɛnyɛn ka ilaa nyɛnyɛn gikɔ. Owi kamaasɛ mɔ, fɛ' kpɛ fɛ kya laarɛ fɛye-nanboana Yesu asonbo ɔdan ɔwɔraten de nyamesɛ kamaasɛ kee ɔdan ɔwɔraten.

¹⁶ Fɛ' yɛgɛ fɛye-asen dɔ i' wɔra fɛye ɔkon owi kamaasɛ dɔ. ¹⁷ Fɛ' kpɛ fɛ kya dalaa aberɛ kamaasɛ. ¹⁸ Fɛ' kyu afaala kyu sa Wurubuaarɛ ilaa kamaasɛ dɔ. Imɔ idɛana ne Wurubuaarɛ kya laarɛ fɛ' wɔra kyu naa de fɛye-rɛ Kirisito Yesu ginyamesɛ kolon mɔ so.

¹⁹ Fɛɲ sa fɛ' wɔra ilaa ibono i laa yɛgɛ Wurubuaarɛ Oduduu mɔ maɲ nyɛ lii gya fɛye dɔ mɔ. ²⁰ Nengyene ako yɛɛ Wurubuaarɛ Oduduu mɔ gi lɛɛ ilaa iko nyiile mɔmɔ ne mɛ kya tɔgɛ imɔ mɔ, fɛ mɛɲ sa fɛ' mirigi ɔmɔ-anɛbi. ²¹ Fɛ' kerɛ mɔmɔ-ilaa tɔgɛsɛ mɔ pɛwu dɔ dɔɔdan daa. Ibono i boran mɔ ne fɛ' keda. ²² Ilaa nyɛnyɛn ne n gyɛ ilaa nyɛnyɛn, fɛɲ sa fɛ' wɔra.

²³ Aye-gisen yuuli gɛmu Wurubuaarɛ gbaa-gbaa ɔ' lɔrɔ fɛye-gimu de ayaa yela sa mɔ-nyoro. ɔ' kerɛ fɛye-oduduu dɔ, fɛye-nwɔnsa dɔ, de fɛye-nyoro gibi mɔ ilaa pɛwu so sa fɛye. ɔ' kerɛ imɔ pɛwu so de gɛkaabono aye-Wura Yesu Kirisito gi kii ba gɛsinkpan so mɔ, ɔko ɔ mɛɲ sa o' wu ilaa nyɛnyɛn iko fɛye so tɔgɛ. ²⁴ Wurubuaarɛ ɔbono ɔ tɔgɛ fɛye yɛɛ fɛ' kyu fɛye-nyoro sa mɔ mɔ gyɛ daa ɔpaawɔrabo. ɔ laa kerɛ imɔ so.

²⁵ Aye-nanboana Yesu ɔson mɔ dɔ, fɛ' dalaa kolɛ Wurubuaarɛ sa aye. ²⁶ Fɛ' kyu gɛnyi-abi afaala faala fɛye-nanboana Yesu ɔson mɔ dɔ mɔ pɛwu. ²⁷ Me, Pɔɔlo, n dɛ Wura Yesu ginyen n kya tɔgɛ mi-i sa fɛye yɛɛ fɛ' kalɛ gɛnen ɔwolɛ baarɛ sa fɛye-nanboana asɛnsɛ abono pɛwu mɛ bo Yesu ɔson mɔ dɔ mɔ. ²⁸ Aye-Wura Yesu Kirisito ɔ' sa fɛye so gɛwɔnsa dɛnsɛ.

ḠḠḠḠ ḠḠḠḠḠ, ḠḠḠḠḠ ḠḠḠḠḠ ḠḠ ḠḠḠḠ ḠḠḠḠḠ
AnyamesḠ ḠḠ ḠḠḠḠ ḠḠ

The New Testament in the Gikyode language

copyright © 2020 Wycliffe Bible Translators, Inc.

Language: Gikyode

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 14 Jun 2022 from source files dated 30 Nov
2021

4cc402b4-139a-5f33-9af9-fbf62307f663